



Til våre medlemmer

Dato:
24. oktober 2016

Språk i den nye Vestlandsregionen

Intensjonsplanen av 16.09.2016 mellom Rogaland, Hordaland og Sogn og Fjordane, slår ikkje fast at den nye Vestlandsregionen skal ha nynorsk som administrasjonsspråk. Dei tre fylkesordførarane har alle i ettertid stadfesta at det ikkje er tatt endeleg stilling til kva administrasjonsspråk den nye regionen skal ha. Dette skal avklarast i den vidare prosessen.

LNK vil oppmoda alle medlemmene våre, kommunar, interkommunale selskap og andre institusjonar og verksemder, til å gje fråsegn om den nye Vestlandsregionen. Den nye regionen vil vera ein stor produsent av skriftleg materiale. Det vil såleis vera eit stort tilbakesteg for nynorsken om ikkje dette skjer på nynorsk, med same omfang som i dag. Ein ny stor vestlandregion bør ha gode føresetnader for styrking av nynorsken.

LNK vil be medlemmene våre å ta inn eit punkt om språk i fråsegna si om den nye regionen. Eit forslag til formulering kan vera:

«..... kommune/ museet/ IKS/KF/AS ber om at Vestlandsregionen klarare støttar opp om det nynorske språket når den nye regionen skal skipast. Desse tilleggspunkta om språk bør difor inn i intensjonsplanen:

1. Staten skal bruke nynorsk i sin skriftlege kommunikasjon med regionen
2. Regionen skal ha nynorsk som administrasjonsspråk
3. Det skal utarbeidast eigne språkreglar for tilsette, som tek vare på dei språklege rettane for private rettssubjekt (personar, bedrifter, organisasjonar, institusjonar)
4. Regionen skal vere eit føredøme for klart språk i offentleg forvaltning»

Lukke til med arbeidet.

Med vennleg helsing

Vidar Høviskeland
dagleg leiar

Brevet er godkjent elektronisk og har derfor inga underskrift.

LANDSSAMANSLUTNINGA AV NYNORSKKOMMUNAR (LNK)
Postboks 7044 St. Olavs plass, 0130 Oslo
Telefon 22 33 14 00 – Post@LNK.no
Bankgiro 3450 07 00574 – Org.nr. 974 339 943